

导游考试诗词歌赋：广西梧州诗歌总汇导游资格考试 PDF 转换可能丢失图片或格式，建议阅读原文

https://www.100test.com/kao_ti2020/511/2021_2022__E5_AF_BC_E6_B8_B8_E8_80_83_E8_c34_511410.htm (1) 登赤峡李白读书岩 清边其晋 当年艳说李诗狂，何事君曾谪夜郎。剩有歌词衡子美，能将社稷识汾阳。巍峨峭境浮金界，清雅飞仙倚石床。姓字不随流水去，游人又醉紫霞觞。(2) 送吕涛典狱之梧州 宋陶弼 峡口苍梧县，城依南斗魁。江潭海潮上，地热火山来。草没嘉鱼穴，云封拜表台。到应无狱讼，豆蔻酒频开。(3) 苍梧怀古 明徐 王孙荒草自天涯，把酒凭高眺落霞。云岭玉环妃子宅，春残金谷美人家。丹砂寂寞迷瑶岛，斑竹扶疏渺翠华。惟有苍梧城上月，年年清影照栖鸦。(4) 冰泉铭 唐元结 序：苍梧郡城东三里有泉焉，出在廓中，清而甘，寒若冰，在盛暑之候，苍梧之人得救渴。泉与火山相对，故命之曰冰泉，以变旧俗。火山无火，冰井无冰，惟彼清泉，甘寒可凝。铸金磨石，篆刻此铭，置之泉上，彰厥后生。(5) 发梧江驿 明韩守益 早发梧江驿，新晴宿雨收。暖风寒食后，啼鸟绿荫稠。到处停兰棹，逢人问象州。堤防多鼠盗，终夜整戈矛。(6) 经梧州 唐宋之问 南国无霜霰，连年见物华。青林暗换叶，红蕊续开花。春去闻山鸟，秋来见海槎。流芳虽可悦，会自泣长沙。(7) 送苏四郎知苍梧 唐杜甫 飘飘苏季子，六印佩何迟。早作诸侯客，兼工古体诗。尔贤理照久，余病长年悲。卢绾须征日，楼兰腰斩时。岁阳初盛动，王化久磷缁。为谒苍梧庙，看云哭九疑。(8) 东光 汉乐府 东光乎？仓梧何不乎？仓梧多腐粟，无益诸军粮。诸军游荡子，早行多悲伤。(9) 次梧州却寄永州使君 唐周朴 随

风身不定，今夜在苍梧。客泪有时有，猿声无处无。潮添瘴海阔，烟拂粤山孤。却忆零陵住，吟诗半玉壶。（10）系龙洲明张山斗生禹凿沧溟碣石开，于兹又见小蓬莱。悬崖树影连天漾，喷石江声动地来。白昼长风乘雪浪，碧宵明月步瑶台。龙归夜静星辰逼，似泛仙槎拂斗。（11）苍梧花明董传策炎霭迎岚溪水潺，苍梧花发破林悭。绛痕啄出鹦哥色，粉扑翻成蝴蝶斑。巧自芳菲醺碧落，妍谁婀娜斗朱颜。风流太守滇中赋，岭表惭予语作蛮。（12）过梧州宋易谦城空花烂漫，楼向雨萧条。毒草春生瘴，蛮江晚上潮。鱼肥堪把钓，凤云不闻韶。万里双持节，恩波赖圣朝。（13）七绝一首宋黄庭坚闭门觅句陈无已，对客挥毫秦少游。二子不知温饱味，西江吹泪古藤州。（14）.苍梧即事明解缙桂岭东来下恶滩，苍梧细柳绿云间。拍天二水通交广，耸日高城跨北山。茅屋竹筏依古濑，筒槽渔艇满江湾。驿亭笳鼓中宵发，又报南天使节还。（15）.送裴二十七端公使岭南唐刘长卿苍梧万里路，空见白云来。远国知何在？怜君去未回。桂林无落叶，梅岭自花开。陆贾千年后，谁看朝汉台。（16）回梧州当代侯甸一白云岁月去悠悠，甲子还乡愿亦酬。铭镂最深云盖血，教吾莫惜少年头。二依然冰井立红楼，掠影浮光往事稠。长夜荒郊瞻北斗，良师益友各千秋。（17）初至梧州宋白玉蟾夜半江风吹竹屋，起挑寒灯怜影独。荒鸡乱啼思转多，黠鼠啸跃眠不熟。旧曲情声觉悲凉，故园心眼时断续。何当牵犬臂苍鹰，锦帽貂裘呼蹴鞠。（18）四谒中山陵当代罗立斌书生忧国守龙蟠，抗美王师报凯还。动乱偷闲凭虎踞，承平一统唤台湾。讴歌伟业同辛亥，默仰前驱两紫山。碧寺黄冈青冢立，唯留风采范人寰。（19）.西江夜行唐张九龄

遥夜人何在，澄潭月里行。悠悠天宇旷，切切故乡情。外物寂无扰，中流澹自清。念归林叶换，愁坐露华生。犹有汀洲鹤，宵分乍一鸣。（20）陪戴中丞游凤凰山招饮冰井寺明龚文选 蹑蹬攀萝郭外山，翱翔千仞翠微间。峰前案拥清流玉，山岭云生秀锁鬟。世情偏到松峦寂，古刹长看日月闲。更喜名泉冰鉴洁，好探一勺洗尘颜。（21）八月十五夜北山赏月清陈树勋 鸳鸯江上起秋风，吹散烟云见碧空。万盏明灯才拱北，一轮皓月已升东。徘徊花影松荫外，思像琼楼玉宇中。净理几人难了悟，圆光今夜最玲珑。（1）江月楼宋秦观 仙翁看月三百秋，江波日去月不流。肯因炎尘暝空阔，直与江月同清幽。苍梧云气眉山雨，玉箫三弄无今古。九天雨露蛰蛟龙，琅长凭清虚府。（2）梧州江上夜行宋白玉蟾 云去云来几点星，城头画鼓转三更。草深萤聚浑成，月暗鹤飞唯有声。何处夜航鸣橹过，沧江如镜烟半破。忽然长啸惊沙鸥，飞入前山不留个。（3）舟中春涨明袁崇焕 缠绵苦声声，留滞孤舟夕。卧听渔人语，又添水数尺。推篷试一望，不见春草碧。急当乘长风，高帆破浪白。（4）宿梧州明任亨泰 舟泊苍梧已一更，居人无语夜澄澄。露华洒面凉如水，星影摇波焰似灯。几树绿云榕覆岸，一双白雪鹭栖汀。明当访古穷奇玩，何处于今有舜陵？（5）铁城山明梁益 踏破苍梧一径幽，人间信是有丹丘。云开铁障千寻碧，泉落岩扉六月秋。仙鹤护巢尘不染，青牛出峡迹空留。遥闻绝顶飞霞，疑是群真拜玉旒。（6）苍梧舜庙明王 南海苍梧万里遥，重华遗迹在山椒。地灵尚忆迎龙驭，天籁如闻奏凤韶。大禹元圭功已告，二妃斑竹恨难消。小臣再拜瞻龙袞，但觉熏风满袖飘。（7）访苏亭怀古清边其晋 梧江才过剑津头，坡老诗篇不胜

秋。曾许文章留赤壁，那堪云梦托黄州。西湖烟雨三声笛，
南粤风云百尺楼。寄语访苏亭畔客，青山长在水长流
。"#F8F8F8" 100Test 下载频道开通，各类考试题目直接下载。
详细请访问 www.100test.com